



NUKINGINNARTOQ

Aningaasaqarnermut Ataatsimiititaliap suliaq nr. 01.31.06/09-00433 pillugu marlunngornermi ulloq 13. oktober 2009-mi aalajangiineranik Naalakkersuisunut ilisimatitsineq.

Konto pingarnermut 10.10.10-mut, Naalakkersuisunut tunngasumut, ilassutitut aningaasaliissuteqarnissamik qinnuteqaat

Naalakkersuisut inassutigaat,

- kontomi pingarnermi 10.10.10-mi, Naalakkersuisunut tunngasumi, aningaasaliissutit 2009-mi 4.589.000 kr.-inik amerlineqassasut.
- IST-ip inernissaatut missingersuutigisat 2009-mi 4.589.000 kr.-inik ikilineqassasut.

Aningaasaqarnermut Ataatsimiititaliap oqaaseqaatai

Kontomi pingarnermi imminerminnut tunngasumi 4,5 mio. kr.-inik ilassutitut aningaasaliissuteqarnissaq Naalakkersuisut suliami matumani qinnutigaat. Aningaasaliissuteqarnissamik pisariaqartitsinermut pingartumik makku pissutaasut qinnuteqaammi allassimavoq:

- Naalakkersuisunut ilaasortaasimasut arfineq marluk ilaasortaajunnaarnersiassaat: 2,7 mio. kr.
- Naalakkersuisunut ilaasortanngortunut marlunnut aningaasarsiarititat pensionisiassallu: 1,1 mio. kr.

Tamatuma saniatigut naak ukioq taanna qinersiviugaluartoq 2009-mi Naalakkersuisut taarserneqarnissaannut aningasanik pisariaqartunik immikkoortitsisoqarsimannngilaq. Inatsisartunut qinersinermut atatillugu Naalakkersuisut allangornerat aningaasaqarnikkut qanoq kinguneqassanersoq siumut eqqoriaruminaassinjaammat Aningaasaqarnermut Ataatsimiititaliap soorunami nalunngila. Taamaakkaluartoq kontomi pingarnermi aningasanik sillimmatissanik immikkoortitsisoqarsimasariaqaraluartoq ataatsimiititaliaq isumaqarpooq, aningasanummi inatsisip akuersissutigineqarnerata nalaani 2009-mi Inatsisartunut qinersisoqarnissaa qularnarunnaareermat. Kontomi pingarnermi matumani pineqartumi kontoniluunniit attuumassuteqartuni allani 2013-imi, Inatsisartunut tullianik kingusinnerpaamik qinersisoqarnissaani aningasanik sillimmatnik taamaattunik immikkoortitsisoqarnissaa ataatsimiititaliap naatsorsuutigaa.

Aningaasaqarnermut Ataatsimiititaliap aalajangiinera

Naalakkersuisut inassuteqaataat Aningaasaqarnermut Ataatsimiititaliamit **akuerineqarput**.

Aningaasaqarnermut Ataatsimiititaliaq sinnerlugu

Naaja Nathanielsen

Aningaasaqarnermut Ataatsimiititaliap siulittaasua